

Kai uuriya kigimo ebena itino

Lo que viene a molestar en
medio de nuestra conversa

Hipólito Candre (HC)

Adofiki (Cordillera), río Igaraparaná,, junio 25, 1992

Bie mei ua jibina uaido diona uaido urikano bitikai, bitikai, bitikai, bitikai, ñue nano fueño bitikai.	HC
Iemona ja koko nabai ua komekimo mei ua dukide, ua iniai ringo dukide.	HC
Iemo koko nabai ja komeki jafuerikaide, ja ua kaimanino ja ñefikaide.	HC
Ja dinori ja ua uuritimie uai jafuekaide, ja ua kaimanino ñefikaide.	HC
Ieza ja ua eikome afeno ja meñote, meñote afeno ja ua jiramo erokaide, bie ieñede uai, daide.	HC
Ie jira bie izoikano itino eroikano jae jifirai komuide, diobe komuide, afeie ja ua jida ja eikome iiga.	HC
Ieri koko nabai ja ua ifokimo ite iniaiki rairaifuena itino, naio ja ua ifo tetenote, ja ua tetenoga ua ja ua aizikaide, ifomona, uiekomona.	HC
Niie aizikaide ja ua jino ja ua iniaiki	HC

naango ja monaide doboyina, ie mameki jiaiki joai.	
Dinori ja koko nabai komeki dano jiyode, ja jiyode ja ua kaimare eikome diga uurite.	HC
Iekoni eikome ja ua uai ari ñue danomo uurite.	HC
Iemona dano koko nabai ringoza dano komeki ñue biya jirari, ñue uurite ua, yera mete, jiihie dute, diobe jate.	HC
Ia dano abi jafuerikaide, ieri ringoza komeki dano jafuekaide.	HC
Ie jira afeno eikome dano meñote, meñua abina ebe ringo titirungona, ja ua jofo bite, bite ua ñuera koni ua abi ikuai jutanokaide, ie ebe ringoza titirungo ja monaide.	HC
Akie izoikano bie jiihina uai, ñona uai kigimo urimana komuizaibite.	HC
Iemona ja ua dano ñue jaaide.	HC
Ie dano kai komeki ua jizide.	HC
Dinori dano eikome jito ja ua bie uai, ñona uai jiihina uai, ñue urikano ua ie emodo igai bite, bite, bite; onoinino riama ringo uaimo erokaide.	HC
Dinori eikome komeki dano jafuekaide.	HC
Ie abina eikome afeno eroide, eroiya abina mei ua onodeza ua bie mei ikirafueñede bie ua ñuefue, kiode daitana, daide.	HC
Meita abido ñue finoda dano komeki joonete.	HC
Meita aki dinomo digafue baibite, oñeganona itino, buuna ifueriñenano itino.	HC
Akie izoide.	HC